

欽
定
鳥
譜

欽定鳥譜第九冊

建華鴨

一名芙蓉鷓鴣

建華鴨黑睛白眶薑黃觜黑尖喙白頂黑頭
黑項頷頰臆腹皆白背膊翅翮瓦灰色帶赤
黃邊膊下間以灰白肩上有黑白毛一節灰
白尾足小而蹼金黃脰掌黑爪鷓鴣類也

卷之十一
一
粵志潮海之鄉有一種沙鷗形如鴿而小紅
喙足白頂黑頭體具紅灰黃白色秀淨可玩
即清異錄所云隋劉繼詮之芙蓉鷗也

白鷺

一名鷺鷥一名春鉏一名獨春一名白鳥一名帶絲禽一名雪客

白鷺黑睛紅暈綠頰青黑鬣頂有白翰縷縷垂出如絲故有鷺鷥之稱通身潔白如雪長翅翮短尾青脰足黑爪亦有黃脰足者

爾雅鷺春鉏注白鷺也詩陳風值其鷺羽疏陸璣云鷺水鳥也好而潔白故謂之白鳥齊

魯之間謂之春鉏遼東樂浪吳揚人皆謂之
白鷺脚尺餘尾如鷹尾喙長三寸頭上有長
毛十數枚毵毵然與衆毛異好欲取魚時則
弭之今吳人亦養焉本草解義云白鷺林栖
水食羣飛成序故詩以振鷺之飛喻羣臣欲
退之序後世有鷺行鷺序之語身潔如雪細

頸長纓高足善翹解指短尾步于淺水好自
低昂如春如鉏故曰春鉏名物解云鷺潔白
而不污立常有振舉之意足常跂有振而獨
春之貌故謂之獨春也埤雅云鷺之集每至
水面數尺則必低徊必盥其勢與飛之時徑
起特異蓋其天性舞而後下故詩於鷺于下

金匱要略卷之十
三
曰醉言舞鷺于飛曰醉言歸也物類相感志
云人家池塘養鷺馴若家禽然每至白露後
輒多飛翔而去諺云鷺以露飛氣相召也庶
物考云法苑珠林言白鷺悉雌無雄到春節
時陽氣始布雷聲初發白鷺一心聞聲即便
懷卵按埤雅曰白鷺雄雌相隨受卵諺云鷺

鷺相逐成胎是也又變化論曰鷺以目眇而
受胎是知白鷺本有雄雌但以氣感不以形
接正如烏鵲傳枝而孕白鵲相視而化耳枕
譚云鷺善延望故元魏改官制以候望官為
白鷺其時亭堠多畫刻鷺像也田家五行云
夏秋間雨陣將至忽有白鷺飛過雨每不至

名曰截雨海錄碎事云鷺一名帶絲禽李昉
謂之雪客

青鷺

青鷺比白鷺略大黃頰黃喙青頂頂有三毛
長頸項有垂胡青翅間雜黃色高黃脰青足
鷺鷥白者居多青者間有之不能如白之成
羣曹唐詩曰彤閣鐘鳴碧鷺飛古人亦形之
歌詠矣

青莊

一名青翰一
名信天緣

青莊黑睛黃暈黃翫翫根蒼赤毛連頰米白
頂頂有黑纓數莖自目上出長者三四寸頸
項臆腹俱米白色臆前有尖黑點腹有垂毛
青背蓑蓑覆翅青白翅青黑翮短黃黑尾翅
翮蓋之蒼黃脰足脰甚長黑黃爪

名物備考云青莊似鷺而大身作灰青色頂有黑翎胸垂白胡鳥之有文者故亦名青翰本草綱目云水鳥之屬有曰信天緣者終日凝立不易其處俟魚過乃取之其性廉而形端故名莊即俗所稱青翰是也

黃莊

黃莊黑睛黃暈黃眶長紫紫面青黑色下淡
黃帶綠頂有茸毛赭土色蒼斑長頸自項至
背膊俱黑赭色間以黑斑黑翅黑尾白領咽
下至腹土黃色蒼白斑高足長趾脰面綠後
黃長黑爪

紅莊俗名虎斑蟲

紅莊俗名虎斑蟲黑睛黃暈青綠眶尖長鬣
面黑下黃白頷長頸能伸縮頭項胸臆俱蒼
赤色腹稍淺臆前有黑斑背膊及尾比頭項
色稍深每羽有黑莖純黑翅高足其脰皮上
節粉綠下節青黑長趾黑爪

白莊

一名白翰
一名白鶴子

白莊黑睛青暈黃頰青黑鬣長頸胸有長毛
垂出通身白色短尾青黑長脰青黑足爪身
與青莊相等一名白翰亦呼白鶴子

小白莊

小白莊黑睛青暈黃頰青黑鬣頂有長白翰
通身潔白如雪長翅翻短尾長黃脰足黑爪

黑莊俗名水鷹

黑莊黑睛黃暈黃綠重眶尖長觜面黑下黃
頂有青黑纓毛頸細而長背膊翅皆青蒼色
背上帶淺藍斑近尾長毛及膊翅俱黃白邊
相間翅尖有白圓點黑翻白尖頷至腹白質
蒼紋高足脰面綠色後米紅色黑爪勾如鷹

故俗亦名水鷹

鵠

鵠黑睛黑翮頂上青灰質蒼赤紋頸項至臆
俱青灰色腹下稍白背毛黃質蒼暈黑橫斑
粗細相次如豹文青灰膊黑翅黃尾黑斑青
灰裡黑足爪無後趾

埤雅云郭璞曰鵠似雁無後趾毛有豹文一

名獨豹遇鷺鳥能激糞禦之著其毛悉脫閩
諺曰鵠無舌兔無脾蓋鵠無舌連蹄性不樹
止說文曰辛相次也从七从十蓋鵠性羣居
如雁自然而有行列故从辛詩曰鵠行以此
故也本草綱目云鵠水鳥也似雁而斑文無
后趾性不木止其飛也肅肅其食也齧肥膾

多脂肉粗味美

羊鵠

羊鵠黑睛黑觔頷下有細長毛一茸垂出頂
前灰白質淺赤紋暈項上青灰色頸旁較白
微黃臆白腹背尾純黃粗黑斑相次緣膊處
青灰色黑翅黑足爪無後趾以其頷下垂毛
如羊髯故名

淘河

一名鵜鵠一名
洿澤一名淘鵠

爾雅鵜鵠鵜注云今之鵜鵠也好羣飛沈水
食魚故名洿澤俗呼之為淘河詩維鵜在梁
疏云鵜水鳥形如鵠而極大喙長尺餘直而
廣口中正赤頷下胡大如數升囊若小澤中
有魚便羣共扞水滿其胡而棄之令水竭盡

魚在陸地乃共食之故名淘河粵志云淘鵞
即鷓鴣也亦曰逃河字之訛也陽江人謂之
水流鵞本草綱目云其脂性走能引諸藥透
入筋骨

案淘河有二種一種淡青翮黃頤黃喙黃目黑足
翅有黑翎淡青裏毛背腹皆有細黑紋一種

嘴極巨牙紅色紅喙紅目白頰深黃足頂有
毛通體白色帶微紅翅有黑尖牙紅色裏毛

水花冠一名紫
蒿鳥

水花冠黑瞳黃白暈黑翫縹青頰頂有長毛
上黑下赤間以白斑見人則聳張其頂蒙茸
如花勝赤項臆毛黃黑背毛赤黑有細黑紋
膊翅淺黑白紋如水波翻長蓋尾蒼白腹近
尾處純白足爪如雞黃綠色

庶物異名云酉陽雜俎曰京之近山溪澗中
有紫蒿鳥頭有冠如戴勝大若野雞今秦豫
間時有之土人呼水冠鳥是也

五斑蟲

一名地奔牛

五斑蟲黃睛青尖鬣黑頂兩頰有黑毛一道
眼後細毛純土黃色白頷縮項凸臆通身毛
色黃質黑斑而質之淺深斑之大小皆不相
同項上作細波紋背膊作三岐紋或作圓點
翅如潑墨痕臆前穀紋或如墨暈腹下斑色

稀淺故得五斑之名粉綠足長尖爪其鳴時
以翫挿于泥中聲如戽

彙雅云黃斑水鳥以翫入地中大呼如牛鳴
俗呼曰地奔牛

水駱駝

水駱駝黑睛黃白暈青黑眶翫長而喙尖青
黑帶紅吻根微綠土黃頰蒼黃項項俱有黑
斑背毛蒼黃質蒼黑尖暈離披蓋翅間以白
毛黑翅蓋尾臆腹白質蒼黃雜黑斑粉綠足
脰青爪此鳥頸長而能伸縮足高而能跪坐

昂首時胸有垂胡有似駱駝故名

水鷺鳥

水鷺鳥黑睛黃暈黃眶眶外黃皮連翮翮尖
長面黑下黃頸能伸縮蒼赤頂項黃白細毛
深蒼赤背蒼赤翅黃白邊頷腹黃赤質帶蒼
斑暈胸臆白毛一道界以蒼黑點近尾微白
蒼黑尾青綠足蒼爪每天陰時鳴聲沃沃故

名說文云瀼水鳥也字亦作沃

戳罕

戳罕黃睛黃眶長鬣尖喙青黃色頭項至背
蒼褐色肩上短毛黃黑相間膊下蒼黃色黑
翅頷至腹赤黃帶灰色青黃足長趾

賴圖庫

賴圖庫水鳥也紅睛黃赤重眶長喙鮮黃色
黑尖鬣根至眼角有黃骨紋連于目眶頭項
至臆深灰色背膊紅褐色黑翅尾尾尖一道
純白高黃足青黑爪

三和尚

三和尚黑鬣長喙赤黑睛黑頂頂有黑毛數
根勁而不垂眼旁至項蒼白色頷至臆深黑
色背翅蒼褐翅尖黑翅根間露白毛膊毛深
青黑色腹下白帶蒼紋尾上白下黑足殷紅
色

油罐子

油罐子黑睛白眶黑鬣細而極長彎喙頭頸
白質蒼斑臆腹斑稍稀斑皆有黑點背毛尖
潤而長蒼黃蒼白二色黑斑中暈如染離披
覆翅有若垂葉膊翅白質黑暈白尾蒼花逐
節相比似鷹尾色灰黑足爪俗以其鬣細而

長如罐杓之柄故名或曰油者言其肥也

沙溜兒

沙溜兒身如鶉而大後銳足甚高短頸凸臆
長黑喙黑睛頂項背翅俱黑色帶白斑額下
白色帶淺黑斑腹純白翅長蓋尻無尾蒼綠
足前三趾長後趾短水鳥也

骨頂

一名黑鷺
一名烏雞

骨頂狀如雞淺紅白翬頂有白肉如冠頭頸
深黑背翅尾及臆腹毛俱青黑色青黃足四
距上每節有蹠皮不相連

物類疏云鷺鷥本二種蒼黑色者為鷺鷥頂有
白肉冠如骨其青白色者為鷺鷥本草綱目云

澤虞形似鷗鷺青黑色頭有白肉冠漁人呼
為烏雞

水雞

一名章渠
一名鶉雞

水雞狀如骨頂而小脚高翬丹喙尖黃翬根
連頂處有紅肉如冠赤目黑頭項背翅蒼黑
膊上間有白毛臆腹青黑尾毛蒼黑白裏綠
足上脰連腹處一節紅色足爪如雞四距頗
長

楊慎外集云鷓鴣水鳥也字書鷓鴣字注云吳人呼水雞為鷓鴣渠司馬相如上林賦庸渠注郭璞曰庸渠似鳧灰色而雞脚一名章渠師古曰章渠即今之水雞也

水鵠一名鵠
鵠雞

水鵠身似鵠鷀而瘦長高足紅睛黑綠黻灰
白頰頭項背毛蒼赤間黑背膊上有細白點
如糝蒼黑翅白領白臆近尾腹毛帶黑紋綠
足前三趾極長後趾短土人呼鵠音如鵠故
亦名鵠雞

澤雞

澤雞黑睛黑翦蒼頂項細黃斑背膊翅翮俱
黑質尖黃斑點大小相雜蒼黑尾黃斑暈黃
白頷臆淡蒼斑黑足爪無後趾

阿際格泥約戳科

雞小澤

阿際格泥約戳科黑睛黃暈黑黃翬白領蒼
黑頂項蒼赤斑米黃臆背及翅皆黃黑質黑
斑白尖蒼黑翮黃黑尾白腹近足尾處土黃
質橫蒼斑蒼綠脰足黃黑爪此鳥栖止水草
漸洳之處與內地墾雞同類

地鳥

地鳥高脚長尾黑睛青翬頂頰純白腦後項
上作鶩黃色中界以黑毛背尾臆腹俱紅黑
色兩肩各有一短骨鈎藏于毛中極銛利白
膊白翅翅尖蒼黑青足黑爪其趾爪纖細而
最長行則左右自踐其趾故步極舒徐身雖

大子鵲鵲其行動相似最喜茨實葉上作巢
遠觀毛羽甚秀鳴聲亦可聽俗傳地鳥之名
因其聲而命之也

魚鷹

一名水鶚一名
雕雞一名白鷹

魚鷹大小形狀類鷹深黃目黑觜勾吻頂上
矗起蒼白雜毛項背翅尾俱蒼黃色頸下至
臆蒼白色腹下灰白色青白足黑爪常在水
邊食魚即詩注江東呼為鶚好在江渚山邊
食魚者也

爾雅注云鶚大小如鴟深目目上骨露幽州
謂之鶚本草綱目云鶚一名魚鷹一名雕雞
李時珍曰鶚狀可愕故謂之鶚鵠類也似鷹
而土黃色深目好峙雄雌相得鶚而有別能
翱翔水上捕魚食江表人呼為食魚鷹漢書
揚雄傳注白鶚似鷹頭有白毛尾末亦白一

名水鶚一名魚鷹

案今俗所稱魚鷹種類甚多其小者有翠碧魚狗
魚虎翠奴之屬其大者有海鵠海鷗鷗鷺鷥之
屬其色有青有翠有白有斑古今詩文皆假
借魚鷹之名其實魚鷹當以水鶚為正也

鷓鴣

一名水鳥 一名鷓鴣 一名水老鴉 一名鳥鬼

鷓鴣黑睛青黑暈黃眶黃頰黃黑觜勾喙觜
根深黃蒼黑頂項蒼黑背翅毛末有細白紋
蒼黑尾白領蒼白臆腹黑蒼紋脅下及近尾
腹毛俱蒼黑色黑足爪四趾連蹼左右內向
此鳥能沒于水底取魚其喙甚大可藏小魚

升許南方漁家養畜之以小舟架于兩旁一
舟至十數隻俱以繩繫其喙下令魚不得入
腹以次放入水擊船板作聲驅之汨沒得魚
滿喙則撲躍水面人即提其喙倒魚出之又
以竹竿逐之入水凡魚入其吭喙鱗甲即爛
氣亦甚腥而無味南方謂之老鴉魚價賤于

網罩者也其有極健猛者遇二三十斤大魚則兩三鷗鷺隨之但以觜銕其前腹分水兩翅兩翅殘破則魚不能游泳浮起水上漁人鈎取之矣

爾雅鷺鷥注云即鷗鷺也觜頭曲如鈎食魚蒼頡篇鷗鷺似鷗而黑一名鷗本草綱目云

鷓鴣處處水鄉有之色黑如鴉按韻書盧與
茲皆黑色故名鷓鴣又名鷓其聲自呼也亦
名水老鴉長喙微曲善沒水取魚日集洲渚
夜巢林木久則糞毒多令木枯也別錄云鷓
鴣尿名蜀
水花去面上黑點南方漁舟往往縻畜數十
鰲誌及湯火瘡痕
令其捕魚爾雅翼云鷓一名水烏色深黑老

則頭翼漸白或曰白黑自是兩種又有一種
頭如蛇其頸頗長冬日羽毛落盡栖溪岸木
上卒遇人不能去則自擲入水汨沒如常今
蜀中臨水居者多畜養之以繩約其吭纔通
小魚其大魚不可得下呼而取之乃復遣去
指顧皆如人意有得魚而不以歸者其類啄

而使之歸漁者養數十頭日得魚可數十斤
然魚出咽鯉涎不美出水之後好張其翅就
石上暴之筆談云少陵夔州詩云家家養烏
鬼頓頓食黃魚按夔州圖經稱峽中人謂鸕
鶿為烏鬼予在蜀中見人家養鸕鶿使捕魚
不知即烏鬼也物理小識云鸕鶿六月畏寒

養之者以絮裹之餵以胡椒秋冬乃放之入
水捕魚其抱子在夏力强者能啄大魚之睛
隨其浮游而數鷗鷺制之以上本草正誤宗
奭云人言鷗鷺口吐雛常官于澧州公廨后
有一大木上有鷗鷺巢日夕視之既能交合
又有碧卵殼布地胎生之說殊不足信也太

平御覽云治咽用鷓鴣喙治哽用鷓鴣羽物
性相制也

欽定鳥譜第十冊

翠鳥

翠鳥赤黑睛翫短而黑頭頂青碧細點青黑
背膊上間有翠毛翅尾青黑相間兩頰至臆
腹及背毛近尾處俱赤色赤黑足陸鳥也不
食魚

案增韻曰赤羽曰翡青羽曰翠翠毛深青有光采
飛水上食魚翡毛紫赤首上及翎翅有點點
青色不甚深無光采林棲不食魚是翡與翠
本二種此鳥應是翡類也

南翠

一名鵙一名翠
奴一名魚虎

南翠赤黑睛鮮紅巨喙黑頭項至頷腹俱白
背翅尾俱翠青色有光彩黑膊脅下毛帶赤
黃色紅足淺黑爪

通志略云翠別種曰鵙爾雅翼云鵙天狗其
喙紅項下白常來人家陂池中竊魚食之小

者名魚狗大者名翠奴亦有斑白者其尾亦可為飾石林詩話云江淮間有水禽號魚虎翠羽紅喙顏色可愛

案翠鳥有數種其大而巨觜毛翠碧翅毛揚青者謂之翠奴今人所謂南翠也其身小而喙尖者謂之翠碧鳥今人所謂北翠也而南北翠

暹羅翠

暹羅翠比南翠略小淺黑睛紅尖喙白頷白
臆頂項膊肩紅褐色肩下黑毛一片接以青
翠背毛暗綠翅色深翠黑尖翠尾赤黃腹紅
足黑爪

水喳子

一名葦喳子 一名鴉鷂
一名剖葦 一名蘆虎

水喳子黑鬣赤睛眶有白點頂項背尾俱青
褐色白領腹青足爪常集于水際葦間其聲
喳喳然故名水喳子亦名葦喳子爾雅謂之
鴉鷂毛詩疏謂之鴉鷂巧于作巢取茅為之
雜以縑麻若紡績而成巢成生卵輒為鴉所

奪啄其卵而棄之自生卵于中鷦鷯伺鷽偶
出反為之伏雛生亦時銜食伺鷽出而哺之
雛成羽翼飛去而後已故禽經曰鷽拙而安
鷽巧而危言鷽鳥拙不能營巢常取他巢居
之鷽性巧善為巢而不能居也

爾雅鴝鵒剖葦注云好剖葦皮食其中蟲因

名云江東呼蘆虎似雀青色長尾疏云鴝鵒
一名剖葦說苑云鷦鷯取秀茅為巢以麻紕
之如刺襍然羽族譜云鷦鷯鴝鵒一物也而
爾雅分而為二蓋因其大小而別也

案周頌小毖云肇允彼桃蟲拊飛維鳥傳云桃蟲
鷽也鳥之始小終大者疏云今鷽鷽是也微

小子黃雀其雛化而為鵑故俗語鷦鷯生鵑
後人不知鵑為何物競指為鷹鷂之鵑且謂
鷦鷯實能生鵑不知所云鵑者即鳩也玉篇
鳩字注云丁交切讀鵑鷽鷽也鷽鷽鳩鳩也
文選東京賦注引郭璞爾雅注云鷽鷽鷽類
則竟作鵑字鵑與鷽同音而字通其為鷽鳩

無疑俗語所云鷦鷯生鷗者言鷦鷯之巢能
生鷗耳鷗大于鷦鷯數倍故云始小而終大
也小毖是成王懲管蔡之事而作其意謂鷦
鷯之巢乃有拊飛之鷗猶管蔡本武王之弟
而反以殷叛一家之中養育此異類耳故下
文云未堪家多難詩意甚明說者不知鷦鷯

生鵬之故特以謹小釋之亦未當也

蘆葦鳥

一名桃雀 一名鵯鵯
一名巧婦 一名桑飛

蘆葦鳥黃睛黃翮雄者目旁有黑毛一片如
眉而下向頭項臆腹藕灰色背膊翅尾黃褐
色膊翅俱有黑白毛相間青黑足爪爾雅以
此為鵯鵯水喳子為鵯鵯詩䟽合為一二鳥
本是一類以其有大小之別毛羽亦不同故

爾雅分而為二

爾雅桃蟲鵯其雌鵯注云鵯鵯桃雀也俗呼
為巧婦方言云桑飛鵯鵯也又名鵯鵯自關
而東謂之工爵或謂之過羸或謂之女鵯自
關而西謂之桑飛或謂之襪爵本草綱目云
桑飛處處有之灰色有斑聲如吹噓取茅葺

毛毳為窠大如雞卵而繫之以麻髮至為精
密

水喜鵲

一名長脚娘

水喜鵲長黑喙白頂黑鬣紅眼黑睛黑翅短尾紅足其脰甚長其踵企飛則伸其脚無後趾不能登木恒立沙渚淺水中啄魚而食之鵲類也以其翅色有似乎鵲其聲亦喈喈然故名水喜鵲俗呼長脚娘

鵲鵲

一名鵲渠
一名點尾

鵲鵲如雀而大黑喙白頭頰紅眼黑睛黑頰
長如眉黑頰紫胸白腹青灰色背青黑翅翅
有兩白毛青灰足爪高脰長尾尾有白點故
亦呼點尾水鳥也其雌者頰黑

爾雅云鵲鵲鵲渠禽經注云鵲鵲雀屬也尖

尾長喙頸黑青灰色腹下正白飛則鳴行則
搖埤雅云鵽其鳴自呼或曰首尾相應飛
且鳴者故謂之鵽渠渠之言勤也

案鵽有兩種一種眼有黑眉紫胷尾有白點者
名點尾爾雅所謂鵽渠也一種白頸額白腹
白翅胷有黑白文如錢今俗謂之蘿蔔花即

詩疏所謂連錢物類相感志所謂雪姑也一
種黃頭腹青灰背翅有白邊者今俗謂之黃
蘿蔔花多栖止于水渚茭蘆間尖喙翹尾行
則首動尾應亦其屬也一種青黑毛多者俗
名青蘿蔔花粵志所謂青鵲鵲也

蘿蔔花

一名連錢一名雪姑一名錢母一名白鵝鵠

蘿蔔花大如鵝雀黑睛黑翬白頰白頷背尾
青灰色翅毛白黑相間腹前黑毛一片有如
連錢腹純白黑足爪雌者黑頷

詩疏云鵝鵠長脚尖喙頸下黑如連錢杜陽
人謂之連錢物類相感志云鵝鵠俗呼雪姑

其色蒼白如雪鳴則天當大雪埤雅云鵲鵲
一名錢母其頸如錢文

黃蘿蔔花

一名黃
鵪鶉

黃蘿蔔花狀與蘿蔔花同赤黑眼黑翬頂頷
至臆腹俱薑黃色背毛慘藕色黑翅白邊翮
毛蒼赤黑尾藕色足雌者頂不純黃帶蒼色
眼旁深黃毛一道如眉

青蘿蔔花

一名青鵲鵒

青蘿蔔花黑睛黑紫紫根目上皆有白毛頭
頸至背膊黑暈淺深相雜膊下白毛一節黑
翅尾白裏白腹黑足爪

慈鳥

一名孝鳥
一名慈鴉

慈鳥比烏鴉而大黑睛黑觜根有毛通身
純黑蒼黑足爪其翅特長於諸鴉今陝西沿
邊及口外郭畢地方多有近京曠野處間或
見之其飛不羣亦不單必兩兩相逐翔轉疾
而高捕之最難人以其為孝鳥亦無有彈射

之者

禽經慈烏反哺注云慈烏曰孝鳥長則反哺
其母中華古今注云慈烏一名孝鳥庶物釋
義云烏初生母哺六十日長則反哺六十日
可謂慈孝矣亦名慈鴉續博物志云烏鴉反
哺為慈烏腹下白不反哺為賈鴉白項羣飛

為燕鳥大而白頭為倉鳥卑居為楚鳥純黑而嘴紅者曰阿鷦鳥

案鳥類甚多純黑而身大翅長者謂之慈鳥亦名孝鳥朝夕羣飛而純黑者謂之烏鴉亦名陽鳥肉羶不可食內有一種可食者身略小形狀稍異名禿拉氣黑嘴足身帶青紅色者名

青鴉大而白頭者謂之蒼烏小而多羣其狀不一項腹下純白者謂之寒鴉通體純黑項下有白毛如環者謂之白頸烏大而巨喙者謂之巨嘴烏純黑而嘴紅者謂之赤嘴烏亦名鷁亦名阿雛烏又有純白者亦烏之一種也

烏鴉

亦作烏鴞
一名陽烏

烏鴉黑睛黑觜通身毛純黑有細白紋翅尾
間略帶青蒼色黑足爪此種多巢於村墟林
木中或棲于宮殿官舍廟宇屋上晨則羣飛
而出夕則飛翔而歸故有朝暮之稱亦曰林
鴉

埤雅說文曰烏象形林罕以為全象烏形但不注其目睛萬類目睛皆黑烏體全黑遠而不分別其睛也烏一名鴉其名自呼五雜組云古人烏鴉通用未有分者烏言其色鴉象其聲也禽經注云鴟性樂空曠傳涎而孕本草綱目云陽鳥一名陽鴟

青鴉

青鴉黑睛紅暈黑觜觜不甚巨通身作青紅色黑尾有青暈黑足爪

白鴉

白鴉大如烏鴉而項長頭小通身純白綠瞳
縹白目暈觜足淡紅色

禿拉氣

烏鴉多不可食獨此種可充庖饌滿洲名禿
拉氣黑睛黑觜觜根帶灰白色身毛純黑帶
青黑足爪形狀小於烏鴉本草綱目云北方
有一種鴉似烏鴉而小其肉不膾臭可食即
此

寒鴉

寒鴉黑睛黑紫頂上頷下黑毛帶深青紋眼
後近項處雜黑白色項腹純白背翅青黑色
黑尾黑足爪

本草綱目云鴉亦作鴛禽經鴛鳴啞啞故謂
之鴛北人謂之寒鴛

案寒鴉毛色不一有黑頭白項白頷者有花背者
有花白翅者有通身黑白相間者而其腹則
皆純白此其所以異於烏鴉也此種多巢於
山巖深洞石穴中日則飛集於曠野千百成
羣秦晉之地最多

紅觜鴉

一名鷦一名赤觜鳥一名阿雛鳥一名鷦鳥

紅觜鴉狀似烏鴉而尖喙長翅尾通身深黑
黑睛紅觜足黑爪其性馴擾作巢於人家屋
簷上不遠去也

爾雅鷦山鳥注云赤觜鳥疏云山鳥名鷦水
經注云火山出雛鳥形類雅鳥純黑而姣好

觜若丹砂曰赤觜鳥亦曰阿雛鳥酉陽雜俎
云武州縣合火山上有一鷦鷯形如鳥而觜赤
如丹名赤觜鳥

紫練

一名拖紅練一名紅練一名紅鸚

紫練黑睛目眶及翫天青色頭頸深青黑色
背膊翅尾俱作紫紅色翅尾毛皆有黑莖翅
邊亦黑垂下二翎如紫帶臆前微青腹下較
白青足爪道藏書云鳥有拖紅練以色名也
凡鳥舌皆或紅或黑此鳥舌作蘭花色與他

禽異陸游詩云綠樹陰中紅練起一團零亂
濕胭脂卽此江南人呼為紅鷓鴣雌者無二長
翎俗亦呼拖紫練

白練

一名練鵲一名拖
白練一名白鷁

白練黑睛目眶及鬣俱天青色頭頸青黑背
翅臆腹皆白膊下毛及翅尖帶黑白尾黑邊
垂下二翎極長如拖練帶故名白練黑足爪
雌者無二長翎江南人呼為白鷁

本草集解李時珍曰練鵲其尾竄長白毛如

練帶者是也禽經云冠鳥性勇纓鳥性樂帶
鳥性仁張華云帶鳥練鵲之類是也今俗呼
為拖白練

鰲雞

鰲雞黑睛黑觜頭項背毛翠黑色膊翅帶綠
頂有長黑毛數莖細如絲尾上狹下張兩旁
各有一翎稍長屈而向內黑足爪通身皆黑
故得鰲稱

錦背不刺

錦背不刺赤黑睛黑觜勾喙黑頰頭項瓦灰色背毛赤黃色翅蒼黑二色頷至腹俱米黃色長黑尾黑足爪此種出南方與寒露相似

鷹不刺

鷹不刺雄者黑睛青黑嘴勾喙嘴根至眼後
黑毛一片瓦灰頭項背翅尾俱赤褐色背有
黑橫紋翅尾黑暈黑邊頰下純白頷臆微黃
白腹近尾處黑黃雜色青黑足爪雌者黑睛
青黑嘴目旁蒼褐毛一道目上有白毛頭項

背尾純赤褐色蒼褐翅土黃邊褐白領臆蒼
黃腹有黑紋黑足爪

火不刺

火不刺黑睛土黃眶淺黑紫頭項背膊至尾
俱紅褐色淺黑翅土黃邊近尾背毛有暗黑
橫紋額至腹灰白質脇下微黃俱有蒼橫紋
相次黑足爪

寒露

寒露黑睛黑觜喙微勾吻上至目旁有黑毛
一片灰白頷瓦灰頂項褐灰背膊有黑毛黑
翅翅尖黃白暈黑翮根有白毛一節黑毛蓋
尾邊露白毛灰腹黑足爪此鳥北方甚多人
家畜擾之可擒小雀南方所無也

錦背

錦背黑睛蒼白觜頷臆頂背俱赤醬色膊毛
赤色間黃黑黃翅翮嬌黃腹脇有蒼斑黑尾
黃足青爪此鳥背色紫澤而光故得斯稱

綠鳥

綠鳥黑睛黃臉黑觔頭項背翅俱深綠色肩
膊上有青毛黑綠翮尾額下綠質縹青紋相
次淺綠臆腹黑足爪出福建寧德縣山中

堯堯雀

一名吉吊一
名噪林鳥

堯堯雀黑睛紅黃暈淺黑翮翮根有黑茸毛
黑頰頭頸茶褐色背膊翅尾俱蒼赭色赭土
腹蒼赤足爪出福建羅源縣溪河邊土人名
吉吊

閩書云吉吊羣飛鳴聒如云吉吊俗呼噪林

鳥粵志云吉吊雀其鳴自呼曰堯堯雀產東
莞大奚山中酉陽雜俎云堯堯鳥其聲自號
正月以後作聲至五月節不知所在其形如
鸚鵡

呀克薩拉罕

呀克薩拉罕黑睛細長鬣鬣根有黃稜高起
將至喙而止黑喙微勾蒼頂白斑白頰白頷
俱有蒼點蒼黃頸項細白點背毛黑黃白三
色相次近尾處紋如虎斑膊翅花雜或如鱗
比或如節段尾甚小而尖上黃末白腹色蒼

白黑紋如湧浪青脰前三趾青後趾帶赭色
黑爪水鳥也而不能入水但立于沙灘間啄
小魚蝦食之八九月時毛羽鮮澤肉亦肥膾
其味甚美

牛牙噶薩拉罕

牛牙噶薩拉罕青黑睛細長鬣黃黑色喙微
勾頰頷米白質帶細蒼點眼旁至吻有赤黑
花毛一道蒼黃頂蒼斑赤黃項粗黑斑蒼赤
背黑紋縱橫間有白毛膊翅蒼赤色黑白花
斑成暈蒼白腹帶細蒼紋短尾蒼黑間白土

黃足黑爪性喜沙常止宿沙軟地原鳥也肉
不中食